

Desß Bogens außtheilung. Cap. ij.

Den Bogen theyle vom b. an bis ins c. in 90. gleicher theil/die gradus genennt werden von Astronomis/dem thu also/ Erstmals theil den ganken Bogen in iiij. gleicher theyl/dieser theilung ein jeglichs theil abermal in iij. gleicher theil/ darnach ein jedes theil in zwey gleiche getheylet/zu lest/ dieser theil ein jedes in 2. Spacia getheilet/hastu mit Kunst deinen Bogen in 90 gradus getheilt/vñ so viel gradus sol ein jeder Quadrant/ nemlich / so er etwas groß ist/ haben. In den kleinen Quadranten muß man sich behelffen/ vñ der theilung ein (so der Bog in 9. gleich getheilt ist) in 5. spacia/deren je eins zween gibt/theilen/ wie an diesem kleinen Quadranten alhie vñ den angezeigt/geschehen ist.

Wann du die gradus all außgetheilt vñ vñderschieden hast/so reiß/ noch zwo Bogen linien/ darzwischen du die zahlen von 5. in 5. bis an die 90. auffwachsende/schreiben magst.

Wie man die zeichen desß Zodiacs sol
auff diesen Quadranten reiß-
sen. Cap. iij.

Die lini a. c. theil in drey gleicher theil/auß dieser theilung puncten vñ auß dem centro a. ziehe zween Bogen/wird der oberst d. e. der ander f. g. geheissen / vñ hast also drey Himelische Zeichen desß Zodiacs mit diesem Bogen angezeigt/ als der Bog d. c. dem Capricorno/ f. g. dem Arieti. c. b. dem centro zugeengnet / Disß seynd die vornembsten Zeichen desß Zodiaci/ vñnd werden auß diesen dreyen die andern auch funden.

Auß einer Tafeln die Leyter desß Zodiaci
Zeichen zu machen. Cap iij.

Zum